

重九登高二首

(高雄港口風光) 萬琮

其一、重九登高感懷

重陽佳節登山巔，

風景依稀又一年；

不弄茱萸嘗菊酒，

但憑節志掃烽煙。

其二、旗壽兩山雄姿

旗壽巍巍兩比儔，

龍蟠虎踞鎖南州；

笳聲縱有鯨鱗犯，

一力當關足敵仇。

其三、旗山燈塔遠眺

航炬豁雙眸，

雲端結蜃樓，

浮天滄海遠，

浩氣共長流。

交大風四首

萬琮

悼鄒恩滋學長仙遊

(據36期「友訊」消息)

恩滋學友遽捐館，

憶昔同窗感舊情；

撒手塵寰君解脫，

何時復土待長征。

賀王敏慶學長喜獲千金

敏慶喜報獲千金，

令郎之外再加一；

羨君才德樣樣全，

求鳳成功真有術。

賀周幼松學長雀屏中選

(據36期「友訊」消息)

周熊兩府喜聯姻，

同學原為交大人；

寄語才郎求淑女，

莫移別處覓芳鄰。

讚揚一個笑話

(據36期「編者的話」)

文章原是自家好，

香臭如何不擾君，

倘有第五喜讀者，

必能掀起衆耕耘。

不寐三首

既從

一、

卅七年秋夜不寐，懷故

鄉親友，時客臺北。

風靜雨止夜未央，

應無刁斗驚夢回。

全家隣响傲駿骨，

萬里飄蓬泣落暉。

故鄉葦草悲木落，

天涯舊雨論城危。

兒饑索乳漸睡寂，

碩鼠在樑遠鷄催。

二、

四十年元夜，準備出國

考試，輾轉不成眠。

遠鷄催曉近五更，

天末風驟迎早春。

元夜良宵負燈市，

寒窗故紙映月痕！

屢欲起舞傷馬齒，

猶鼓餘勇叩龍門。